

Масжидга кирсангиз Набий алайҳиссаломга салом беринг!



15:00 / 02.05.2021 2566

عَنْ عَبْدِ اللَّهِ بْنِ مَسْعُودٍ رَضِيَ اللَّهُ عَنْهُ، قَالَ سَأَلْتُ النَّبِيَّ صَلَّى اللَّهُ عَلَيْهِ وَسَلَّمَ: يَا رَسُولَ اللَّهِ، إِنْ كُنْتُ لَمْ أَجِدْ فِي سُنَنِكَ إِلَّا لِقَاءَ النَّبِيِّ صَلَّى اللَّهُ عَلَيْهِ وَسَلَّمَ، فَكَيْفَ أَصِلُّهُ؟ قَالَ: «إِذَا كُنْتَ فِي مَسْجِدِهِ، فَسَلِّمْ عَلَيْهِ بِسَلَامِهِ، فَإِنَّهُ يَسْأَلُ عَنْكَ مِنْ أُمَّتِهِ».

Абу Ҳумайд ёки Абу Усайд розияллоху анҳудан ривоят қилинади:

«Набий соллаллоху алайҳи васаллам:

«Қачон бирортангиз масжидга кирса, Набий соллаллоху алайҳи васалламга салом берсин. Сўнгра:

«Аллоҳумма ифтаҳ лий абваба роҳматика», десин.

Агар чиқадиган бўлса, «Аллоҳумма инний асъалука мин фазлика», десин», дедилар».

Муслим, Абу Довуд ва Насайлар ривоят қилганлар.

Шарҳ: Аввало ҳадиснинг ровийси Абу Усайд розияллоҳу анҳу билан танишиб олайлик.

Абу Усайд кунyasi билан машҳур бўлган бу саҳоба Абдуллоҳ ибн Собит ал-Ансорийдирлар.

У киши Расулуллоҳ соллаллоҳу алайҳи васалламнинг хизматкорларидан бўлганлар.

Расулуллоҳ соллаллоҳу алайҳи васалламдан бир нечта ҳадислар ривоят қилдилар. Бу зот ривоят қилган ҳадисларни уч «Саҳиҳ» соҳиблари ўз китобларига киритганлар.

Ушбу ҳадиси шарифда масжидга кириш ва чиқиш одоби ҳақида сўз бормоқда.

1. Масжидга кирадиган одам Пайғамбаримиз соллаллоҳу алайҳи васалламга «Ассалому алайка йаа Расулаллоҳ», деб салом бериши керак.

2. Шу билан бирга, масжидга кираётиб: «Аллоҳумма ифтаҳ лий абваба роҳматика» – «Аллоҳим, менга раҳматинг эшикларини очгин» деган дуони ўқиш керак.

3. Масжиддан чиқаётганда эса «Аллоҳумма инний асьалука мин фазлика» – «Аллоҳим, мен Сендан фазлингни сўрайман» деган дуони ўқиш лозим.

Олдин билмаган бўлсак, энди билиб олдик. Доимо ушбу дуоларни ўқиб юрайлик.

«Ҳадис ва ҳаёт» китоби асосида тайёрланди